

e-BULETIN JSKM

Cabaran Wanita

Muniroh Hamat

Antara Menarik di Dalam

- Generate e-Certificates with Autocrat
- Symbolab Matrices
- JJCM Hatyai
- Jika Diri Diuji
- Tentang Kamu
- Pengurusan Rekod
- Musafir Haji
- Wira Sejati

Edisi April 2023



PERLAWANAN PERSAHABATAN DART ANTARA JABATAN 2023

Oleh Fuziatul Norsyiha
Ahmad Shukri

Unit Sukan dan Kepimpinan Jabatan Sains Komputer dan Matematik (JSKM) telah menganjurkan perlawanan persahabatan dart antara jabatan yang melibatkan JSKM, Jabatan Sains Gunaan (JSG), Jabatan Pengurusan Perniagaan (JPP), Akademi Pengajian Bahasa (APB) dan Akademi Pengajian Islam Kontemporari (ACIS) pada 14 Mac 2023 yang lepas bertempat di Laman Perdana UiTM Kampus Permatang Pauh.

Alhamdulillah program ini mendapat sambutan yang baik kerana terdapat tujuh kumpulan yang turut sama menyertai perlawanan persahabatan ini. Kumpulan daripada APB yang diketuai oleh Pn Aileen Farida telah dinobatkan sebagai juara dan diikuti oleh kumpulan daripada JSKM yang diketuai oleh Pn Siti Nurleena sebagai naib juara. Seterusnya tempat ketiga dimenangi oleh kumpulan JSG yang diketuai oleh Pn Atikah dan tempat keempat menjadi milik kumpulan JSKM yang diketuai oleh Pn Norshuhada.



OBJEKTIF utama perlawanan ini diadakan adalah untuk memberi pendedahan dan mencungkil

bakat warga UiTM Cawangan Pulau Pinang dalam permainan dart serta menjalinkan hubungan erat sesama staf antara jabatan. Selain itu, perlawanan dart ini secara tidak langsung dapat memberi 'mood happy' kepada semua staf yang baru sahaja selesai menanda kertas peperiksaan akhir. Para peserta juga rata-rata kelihatan ceria semasa perlawanan berlangsung dan memberi maklum balas yang positif terhadap program ini. Semoga program seperti ini dapat diteruskan lagi pada masa-masa akan datang.